

紫園草序

紫玉園在祝融峯下金粟相映沈寥
曠遠乃吾師植齋先生之所卜居也
先生領袖白虎諸儒出入承明之廬
何以題其草曰紫園明志之有所託
也夫謂先生之志託在紫園而因託
在詩文小技以與世之著作家門爭



馬肝蟲臂之長是又鳥足以知先生
哉先生際鴻昌之運攻纂述之業貫
穿百家兼總條貫實能破耳目支離
之筌挾性命道德之秘冲玄恬澹無
思無營而恬不能不觸為風玄不能
不發為駿且得有言乎且得無言乎
當其無為有之用當其有為無之因

非有非無若滅若沒宅根於靈鑰微
興於山川庀材於目前融機於象外
故揆慮緒思則鳴張憲表則則鳴體
物肆采則鳴徹遠代蔽則鳴其鳴也
初未常規規然句斤字櫛如胡寬之
營新豐模擬刻畫工苦殆盡而古或
合之今或離之不斲合亦不斲離情

自桴也調自鼓也今讀其詩如四瑚
八璉森然宗廟又如陶知景被詔入
宮析理談微而松風之夢固在却不
墮在玄妙窟裡陶冶性真鼓吹風雅
無意乎其為文是天下之至文而稱
三百篇之遺響者也昔中郎罷筆於
靈光士衡輟翰於三都孝綽設案於

玄暉少陵推轂於水部彼不過競長
於音調退舍於符采若先生則不徒
以音調符采勝也詩以言志其辨志
詩云吾道有標的千秌孔與姬此先
生之志與先生之所為時鳴其籟以
成自然之文而余與雲石岑君所為
因言以測其無言之旨思以公於天

下後世之同志者乎夫太音無聲聲
固不必按也真火無候余又何所求
矣

音

萬曆丁酉新秋吉日

欽差巡按山西等處監察御史門生

吳楷頓首書于河東之虛受堂



紫園草序

紫園草卷一

衡郡曾朝節著

四言

見述

不疑不悟不悟不得未悟千疑一悟萬徹可以刪述
可以治平弘毅之訓導我先民

夜氣

晝之有夜即動之靜既動而靜氣亦即定動亦不動
動靜奚分敬慎在茲保吾天君

五言古

見述七首 丙寅

百年寧幾何顛迷只浪死回頭問我家云在虛空裏
虛空非虛空至近不可覩好招同心人來作虛空侶
成仙在求藥得藥切防危火候一不調從前功盡隳
堯舜日兢業文王於緝熙時習勿忘助孔孟吾著龜
豈無醫世藥草木非神品靈丹非草木功化在俄頃
得之非外鑠一得喜無盡至日必閉關養微乃致盛
江門調素琴自是知音寡於維王夫子妙契天所假
無知而無為數語俟來者大成歌未終夢奠兩楹下
珍重復珍重得此固不偶當世有大儒多少見得否

我見是無見難可一言剖若疑無見理質諸東魯叟
自失還自求自求還自得自得更何事一得永無失
存養以事天是言可以繹殀壽亦不貳此即立命訣
誰言佛老異佛老亦心性誰言佛老同生機異順逆
逆則墮一偏順則萬法正所以擇中庸孔氏以為訓
心訟吟 己巳

余之赴會南嶽也省徃僞言之日積咎冥力之
後時瞿然顧思而成是篇

堯舜極巍蕩孝弟乃其根訟徃起中夜愧茲孔孟言
明發軫懷念所貴深愛存容色婉以愉常恐夷天恩

內境固局鑰德音良舒遲默存一踈虞將發恒未知
既知力已晚反躬悔何追勉爾不言信一言而著龜
木訥良鈍拙智辨名乃振一逐世俗好烏顧瀉與淳
夫我指千里命駕策逡巡慎勿騁狂御庶以極所臻
同俗不同俗是名為脫俗與俗無差別何由振流俗
脫俗混俗中不向山中宿巖石非吾居本來亦非俗

贈周林南明府

丁丑

楚學終須振桃岡緒不微春陵周茂叔百代生光輝
君住桃岡日春風幾詠歸相看古人意嘆息知心稀
辨志詩

草野秉微尚驅車戒狂馳徊翔日周行逶迤欣所之
一朝偶群髦挾策干明時側陋幸見收拔置來天池
主恩蕩無涯名卿乃吾師太官給珍饌中秘恣玄窺
念茲激中腸何以奉芳規素志豈不偉常恐差毫釐
吾道有標的千秋孔與姬咀此六籍腴萬理勤誅咨
許身在巖廊宗社需安危俛仰眇今古安能顧銖錙
稅駕崑崙巔發軔慎路岐錯趾聲利塗咫尺判雲泥
浮雲等夢幻詞章空爾為蹇予墮昏霧名言揭櫪楣
黽勉藉鞭策披霧睹朝曦令德苟不虧庶用酬恩私

原心亭靜坐

閒亭敞蓬壺朝曦弄晴妍寒風動落木棲禽低飛騫
幽境坐岑寂孤懷謝縈纏窅然靈臺清空明合重玄
萬象歛溟漠四際絕浮烟念茲心賞佳樂在一切捐
遺經周孔親意會忘蹄筌造化有端倪活潑呈魚鳶
至虛而至實功用貫其全江河浩無涯涓流自原泉
勗哉握真詮不愧嘉名懸

此日不再得

遺編手寒夕古人若見之冥搜力忘疲兢兢惜芳時
緬懷運甕翁豈不耽遊嬉慷慨在中原分陰詎輕麾
嗟予質蹇薄慕學良衰遲荒落歲不與悅此太官糜

欲揮魯陽戈義馭回颺馳逝水不復返青陽去寧追
感嘆動遐想百年奄在茲勉旃日乾乾聖賢以為期

苑田觀穫

我皇軫農念步輦臨麥秋天田受明賜一望黃雲稠
秉鎌匝隴畝載穫歡且謳睹茲聖情怡維馨賴西疇
郊廟享仁孝燕賞恩以周不耕穫何有不勤非歲謀
感嘆稼穡艱幽風深民憂省歛古有云休助在豫游
願言奉無逸帝澤遍遐陬四海無啼饑古道還民偷
送尹勿所令浮梁四首

已結懸銅綬其如獻賦心還携彩筆去為寫朱絃音

鳴琴有至理流風直到今但會古人意無憂吾道沈
與君結交日乃在念載前盛年各意氣長驅以周旋
旅食京華晚落魄江湖邊蹉跎惜齒髮相看今共憐
浮梁山水地仙意訟庭中瀑布紫烟入湖水蒼波通
真景日在眼案牘何冲融已忘牽物役世上傳清風
蹇余濫承明鎮與蠹魚伍何如茂宰行赤子親哺乳
政聲滿江城薦書紛如雨來叅侍從班清霜厲持斧

草萍館一叟索題

驅車首南路遙山度層疊亭午草萍憇庭荒繡苔色
忽逢林間叟持茗餉征客得非漢陰丈亦頗類龐德

逢迎復何事雅意在文墨他年或更來於汝話今昔
贈教太史使岷

在昔秉微尚學道念載前擇交海內士訂此同心緣
偉矣西江彥詞藻何翩翩共學秘書館三歲驪相連
兩懷忽中契不獨文酒筵感激纏綿意結隣以周旋
昕夕迹不踈名理從鑽研慷慨笑語同各積賡酬篇
一為楚鄉遊會晤於經年儔侶未應稀今遊何時還
人生一飄萍離合同雲烟良朋詎易求臨別情難宣
潑水清且淺雲山帶流泉佳景漫遺跡豈復隨金鞭
事竟即家慶更欲緩遊韉却恐遠為期亦復乖飛騫

往哉慎興居釋慮期探玄幽想諒有云真悟非言詮
標的庶弗謬並躅昔者賢迂愚夢江渚來書策迴遭

贈龍節推之衛輝

青春擅詞翰名字在人口雅尚千古前玄珠照豈都
斯人起公車邦家得瓊玖冰心厲嚴寒群疑立分剖
諳練歸老成一靜定紛糾果信詣佳境萬應何不有
抱負屢頓折失此補天手君今乞官去我意黯然久
衛郡有遺風當時渭濱叟漁竿落暮齒文王載車後
遇合姑不云一秩是不朽操持自耿介文法慎左右
欽恤明訓存良田害稂莠舊業好張設千金享敝帚

諸公急才賢劒氣在牛斗計日臺省中來尋舊遊偶
今日薊門別且復一杯酒

贈許昉陽還南曹

念載駛隙駒朋舊半桃梗君尋歲寒盟獨此共脩景
蕭寺有遺跡素業見鋒穎青眼乃石交駑怯以鞭警
常年隔歡讌誰能不耿耿

佩綬若若者舊京蘭省中鍾山渺何許遊騎孰與同
獻歲祇令甲謁帝於紫宮相見且置酒慰藉離索衷
庭前草芳菲駘蕩來和風

謁帝於紫宮尺牘上司勲三年有最績還君蘭署芬

紫園草卷一
理檝向江渚片帆懸春雲柳條縱堪折清言不可聞
離筵慘澹色西山暗斜曛

西山接橋陵峰峰秀碧漢策筇一攀躋塵踪得踈散
江南信佳麗茲景固壯觀期君雙闕下重對雲霄館
休沐有餘興時與展娛玩良約訂自今庶緩居者歎
余有亡兒之痛張念華館文招為摩訶法藏之

遊同楚亭葵日琢菴諸文賦

客愁不可掃兀坐廢書劄秀骨如在眼靈物固難狎
誰能念同袍砭此佛性陝携手臨香臺逍遙以歡洽
共證清淨理永劫超頽壓

行行出郊闔隨意得遊涉小刹月壇右園有貝多藥
千峰入指顧十里橫岌業摩訶開化城苾芻皈淨業
一誦碧雲篇彈指度千劫

淨土本西方歌唄隔囂雜象法珠藏敞覺路金繩匝
操絃時一弄鐘聲亦鏗豁寂然真如境證悟悔衰颯
且斷十纏惱松門共禪榻

彌天極樂方菩提衆香襲步屨風日涼絺袍花露濕
一祛塵土遠欣此同心集各自秉龍性未擬厭鯨吸
但醉何所憂無住亦無執

和陸敬承清明日東諸同志二首

正憶昔所遊岳揚裊祥烟孤坐意不愜緩此春風鞭
都人趁芳辰泣塚還張筵囂雜固流俗世上無長年
但飲非放浪會意於遺編沽酒矢弗渝共醉花枝前
居無校讐暇郊遊阻同好春風不相待空負百花老
佳景欲驅迫煙巒出窈昊曲溪聞玉泉古洞拾瑤草
芳思既柔條幽韻亦群鳥塵慮滌自今何惜樽壘倒
夢沈君典見訪觀紅藥盛開讚歎高品風塵獨
立乃以織鶴贈之覺而賦此

斯人魁宿精靈芒絢晴漢逸思迅風雨藻潤漾文淵
明廷首群穎藉甚仰華貫迹往隔夙契幽通曠空幻

何來疇昔夕彷彿青藜館含意未及伸慷慨尚偉岍
當堦紅藥翻新叢闔芳旦凭欄動怡悅為我激賞讚
風塵而獨立高品表竒幹晤語平生歡贈之錦繡段
誰謂神交親依然偶東觀俠骨自不朽英魂詎終散
不寐轉嗟異推測托柔翰

婉兒怨六首

賤妾自薄命此生何足珍得薦歡席前朝夕恒見親
瓦全徒嘆嗟君有如玉人
初來髮覆額君心有所悲妾也字莫愁漸令百念夷
何知樂未央南來又阿誰

紫園草卷一
妄棄理固宜不虞嫁時誤昔人為新人雖新不代故
生憎後來上淒斷在中路

十五奉枕席十六孕弱息十七事乳哺十八苦離別
雖非遠離別朝見暮無跡

一身事一夫一夫非一心疇昔合歡被獨擁秋思深
不畏秋風涼只愁霜露侵

已似雙鴛鴦翩翩橫塘偶鸞鳳一成匹不得顧先後
昔以當昔蓄今以當敝帚

貽同鄉禪者

高僧楚峰來精鍊五門盡持此清淨心人我破畦畛

妙理在揮塵談鋒見機敏允愜招提遊於汝不矛盾
支離世間語吾道反駁躋覺路懸日月真脩會堅忍
一物礙虛明坐使佛性殞以無一物故本性亦無朕
瘦藤常名山到處煙霞引刹那歲都城每得共嘲駭
頻年困風塵往詰負標準運世異空寂衆庶入悲愍
大道坦且夷萬里方結軫

悲哉篇二首

丁亥

悲哉風飄翮昏曉怒林樾遊子劃腸斷幽咽淚枯竭
板輿于役年河湍肅慈月風物盡不殊人生有淪忽
東波怨去駛西汜慘來猝永隔堂上歡無為羨頭骨

紫園草卷一
日夕易迫促哀哀曷能寘不及續息存得復展情志
聖孝乃沒身愛日所以示逝將九地俱抑遏延聽視
沉痛從中來劒刃攢割刺憂噫顧蒼昊高高空慕企
在眼惟平生恍惚嗟夢寐

朱明亭

嶽廟後

祥圖終啓聖混沌鑿何年精衛相其役山靈初晏然
光嶽氣一聚保茲毓才賢天子壽億萬永奠名山川

福昌寺

句輿方廣來崎嶇復古寺青林敞金刹焚香坐開士
誰知第一義義亦本無二巖潭龍入聽初不在文字

贈袁玉蟠太史使楚藩二首

庚寅

朱陵逼天漢銀河瀉祝融玉虬噓海陽元氣匝雲空
勃鬱七澤滙今古鍾人龍洞庭灌峽流乃當衡巫中
左公英氣存雋碩方登崇挾執首衆妙詞壇扇雄風
運世亮所具明堂收棟隆卽命飛傳急餞集金華叢
惜別宣長謠踟躕岐路東旋軫卽舊列頑陋資磨礪
鄂渚擅壯觀朱宮高差峩帝子啓賓筵玉節前雲和
禮竟王人升醴甘芳顏酡含意轉跌宕清遊歡婆娑
洪山東鷺標黃鶴西騫摩明月皎秋色照耀金叵羅
晴川一何長畫艦飛洪波層樓俯天末四望以高歌

攬結在白雪貯之名山多瓜期愜延騁載酒能相過
贈朱養淳太史使周藩

梁王席漢盛觀遊窮勝區吹臺列仙往兔園日康娛
鄒枚入延納相如復操觚詞賦麗千秋迹陳名不渝
今代馭八荒天潢藩宋都宮殿負艮嶽河洛相縈紆
帝家駢榮恩剪桐世紛敷才子祇于役金節肅前驅
道路詫蓬仙大廷冠文儒公望仰慶雲負弩擁旆趨
禮成即華筵賦就驚坐隅何知梁園客興欲凌虛無
二室巖嵩高杖策群仙俱髣髴浮丘伯授以九節蒲
丹成戀明主闕下飛雙鳧

題將母榮壽圖為司封大夫鄒大澤

七澤滙靈異千秋見才雄含香握鏡衡着綵娛自公
執掌銓序勞熊丸劇深衷尚憶將母年潘輿發南宮
采蘭日容與壽母顏如童恩綸亦煌煌照耀華筵中
披圖耿孝思贈篇皆宗工仙郎信特達鼎養方穹崇
蟠桃結屢實瑤池宴何窮授簡以續貂頽比南山同

贈全玄洲太史使趙藩

西園昔飛蓋藻采蔚為藪代徃流風存盛事果不朽
雀臺盡瓦鏢纍纍尚培塿美人淚如雨千載復何有
皇業陋曹魏河山靜刁斗大藩蔽南甸維城壯扁牖

奉使此息駕國典賁封守詞臣建安才咳唾散瓊玖
綸綍啓金冊池園肅賓耦授簡賦清暇上客自名手
安知紛流傳弗與七子久星軺悵初發承明日延首
李克菴公撫楚蔡京兆以所題尊君東野隱居
使節賦之

野性軼塵網真樂遺俗營學成不徇祿意足澹憂生
秉禮濟濟儒聞詩昂昂英寄托見頭角逍遙而崢嶸
巖棲絕紛拏川觀稀逢迎畝宮郭外園隱几山中情
鳥弄相與語鹿伏時同行悠然肥遯姿偉矣幽人貞
月旦表通德天心佑留耕箕裘振詞苑清白盈官評

槃戟入敝楚保人蘇疲民頌德邇所由搖搖望行旌
為周高士題

剡山鬱清幽乃與靜者期念寂俗塵祛道存情想離
真性諒所窺操持一何奇斯人不可作末世日多岐
正學費商評嘆詠良在茲

偕余世用教嘉猷陸敬承過張質卿宅留酌次
其韻

出門覓舊侶入門坐知心君隣即白墮君志亦斷金
向君酒不辭但較杯淺深聽君詩句佳三嘆揚清音
君詠我和歌我歌君長吟交與傾蓋殊忘形樂難任

昨雨薦森爽稍秋團輕陰會勿問數踈閒來同酌斟
過眼青雲浮春葉彫霜林

送馮用韞歸省仰芹年伯

浮沈亦金馬顧盼為知心飄零屬高秋安能暢離襟
君行指東岱丈人何欽岑慕戀未可住主恩滄溟深
隻鴈不成字獨樹無青林分手河梁隈慘薄西峯陰
昔日送行遊居人羅纓簪復別今如何已若辰與參
托生本四方豈長同酌斟萍踪故難期夢寐空追尋
懷哉離索憂歌此伐木吟

存心吟

無事且靜坐有事心內存知止乃要訣知本為入門
明性性始復安身身自尊博約誠善誘精微難具論
登高必泰華涉流溯河源有念百鍊金無念萬化根
細味中和篇肯以明德昏

和用韞今昔行別嘉猷兼寄汝培

憶昔謁帝年英游會仙都聯珂白玉堂夾轂青雲衢
許身皆夔龍懸河或淳于傾倒見肝鬲腐愚化孿拘
已似平生親招携金華趨筆札給尚方供饌分天厨
休沐敞清讌謳吟到忘吾萍踪每聚散漸乃分道驅
詎及廿年久忽若丹青渝逝者指盡屈存者不得俱

新國草卷一
矢當良晤時尊酒且嬉娛遐想激篇翰長嘯驚坐隅
憂民列廟廊思君限江湖同調異鄉縣稚心多軒虞
豈如旦暮偕箴砭及庸迂去秋愈蕭索陸生東去吳
所適各有為安能常相湏兩張先後別祖餞臨修途
念之重淒其乘暇仍歌呼韶光肯輕擲迅急西飛鳥
但惜形影單未教清興孤教生復何云羨彼沙邊鳧
振衣輕王侯掉臂甘尊鱸返駕薜荔園脫屣承明廬
九萬在一息著論陋潛夫深箴盈尺錘珎襲徑寸珠
至寶失施用孰辨瑤與瑜廣陵過李生為問匡時謨
男兒立天地初降懸蓬弧朝議正糾琴古道還有無

四方近多事東討西防胡上理難力追勞勞空谷
結束鄉念真躑躅傷歲徂卓犖三楊相昭代開宏模
濟濟名公卿何以恢皇圖往哉崇令德待作濟川楫

南遊酬世用贈篇

甲午

小大有定數君看南征客造物促郵程吾亦何不憚
禮曹常年空乍缺無憂責饑亂豈河陽虜非遠左劇
謬推遽承乏不得緩昕夕別日意匆匆群公罷瑤席
炎炎正伏暑仰視旱雲赤揮汗盡如雨安復事常格
辭去舟更難亭午威翕赫欲避紅爐蒸已遠神仙宅
稍待立秋至金飈或相惜酷熱愈凌厲就枕似焚炙

虛負畧刻長坐拋盈尺壁興敗了無句廢閣緗素積
兀兀孰與語翻苦絆物役九列良貴倨留都况閒適
攬結佳麗景欣喜慰疇昔離別恨太早冷署亦催迫
傍月把瓊翰轉憶同袍隔飲酒不敢醉為君餐藥石

讀史二首

東漢炎燼微魏吳遂雄長雖有神明胄羈栖空健爽
三顧隆中人鼎足畫指掌處則靜而澹出使末運朗
僅哉出師奏忠誠屬孤往王業限偏安伊呂振遺響
神哲精靈存高山一企仰

君臣千載遇曠邈臨川冠書生負良時新法召離亂
學亦窺奧微偏執乃習慣禪理弊固宜種性伏難按
始信虛見非真修戒迷漫恭誦中和篇遵道庶無畔

紫園草卷一終

紫園草卷二

五言律

麗澤吟四首 己巳

衡郡曾朝節著

嶽靈招楚會天意聚奎躔共赴秋帆速期登道岸先
圓明涵法象證悟失言詮莫更談空寂流風障百川
方嶽會群公雲開赤帝宮衣冠巡狩日歌詠杏壇風
一覺纖疑破千休徹慮通定知無去住心事各天同
重華不可見禹碑空至今寂寂五峰麓悠悠千古心
勝遊憐會聚清興動謳吟願逐秋旻鶴翩翩振遠岑

霽景南天遠春陵依舊山誰將弄丸手挹取瀟溪還
中正非禪派圖書是聖關寂寥鄉哲緒惆悵後生顏
與涵齋弟洞庭望岳陽樓庚午

湖光漾碧波扁舟竟日過渺應連瀚海遙擬接銀河
斗鴈飛真倦名賢記不磨並遊今萬里憂樂共如何

歲暮旅懷丁丑

楚客今燕邸浮蹤感歲華鴈南稀錦字天外斷雲沙
雪影清鄉夢風聲咽戍笳自應梅幾樹猶放故園花

夏日出郊小憩真空寺

萬柳晴郊綠來遊遠色開火雲浮碣石暑氣滿金臺

禪誦聞初地過逢坐碧苔真空吾性在風物足徘徊

秋霽

氣爽秋容淨雲開野望通丹楓收宿潤翠岫麗長虹
去鴈晴嵐外鳴蟬夕照中向來搖落意吟眺思何窮
咏署中松柏凌寒獨秀

直廬依北斗倚榭見孤標偃寒蒼虬幹歲蕤翠鳳翹
冰霜寒自潤桃李艷都消未量參天勢應看棟聖朝

除日立春

羨歲貞元合迎新臘正徂條風乘爆竹春意入屠酥
儻促鞭牛急寒隨剪蝶無只疑催髮改流景自堪吁

紫園草卷二十六
賦得露凝仙掌

曉轟仙人掌，秋零玉女漿。
瑞溥星漢淨，珠滴漏聲長。
浸月光逾湛，含天影欲涼。
長生占帝曆，甘澤頌旒陽。
題王傳巖椿景遐思

仙洞靈椿老人間，歲月多野堂。
丹竈冷才子，欲如何。
沙浦孤雲斷，襄涯一鴈歸。
壽榮憐晚節，鳩杖憶婆娑。
壽吳挺菴母五十

紫殿承恩日，瑤池獻壽初。
衣爛還舊舞，飛鳥有新除。
麗日明麟紱，清時啓鳳圖。
薦桃看歲歲，封誥下宸居。
贈張洪陽先生赴南少司成

內署才名舊，南廡帝命新。
臯皮來禁幄，官紱照吳津。
遠興三山杳，遺蹤六代陳。
未應淹眺望，山斗慰人人。

贈陳五岳大叅還淮上二首

君今來上國，轉餉漢蕭何。
醉罷金臺酒，名高桂樹歌。
憲節浮淮後，門生舊郡多。
行春應不厭，海月更婆娑。
念載衡門滯，風塵此會難。
長年吾自愧，高咏汝登壇。
劔逼星垣動，舟凌海若寒。
棠陰春舊滿，到日入帷看。

五岳以淮守擢蜀督學尋有今擢仍督淮上

賦故句及之

贈秦醫士二首

藥裹長安市秋風憶故鄉
鼎中烹白虎客裏袖青囊
對汝憐行色從誰乞禁方
長房能縮地還此一徂翔
舍客曾知己多君姓是秦
檢方驅二豎服散效三旬
逆旅辭燕甸遊仙到海垠
不妨騎白鹿分我玉壺春

贈李相士栢

南嶽躬耕日烟霞顏不違
尚宜分紫芋未擬伴黃衣
江海君能遠風塵我亦非
相逢無所問剛好占魚磯

贈劉醫士歸吳

藥裹入長安金莖挹曉寒
一蘇司馬病俱作越人看
海上懸壺地爐中化鶴丹
塵埃稀兩鬢乞汝碧霞丸

贈黎秘書歸嶺南

息機尋舊隱垂老戀浮丘
罷草承明制從恣汗漫遊
到城羊作騎看海蜃為樓
白雪飛雲上長謳五嶺秋

送周二魯使薊鎮

烽火年來息邊陲士馬閒
君今薊門道隨意眺關山
尚惜金縢費須憂戰鬪艱
上書看勝畫不獨餉軍還
與張念華王柱山曹冲宇
吳玉屏費似鶴諸館
大同遊釣臺晚移席延恩
寺四首

河朔郊西勝芙蓉治上亭
逶迤幽逕碧迴合遠山青
興逐孤雲往行穿曲塢冥
旅情思弄釣款乃向來聽

高臺誰釣客清賞屬同遊把酒荷香細開襟樹影稠
山空羣動寂池浸一天浮更道東林勝沿溪步步幽
愛此園林僻清涼足共栖稻田溪上下松嶺殿東西
水日明臺榭山雲擁路蹊定知塵市外相與憶招提
為惜松門夕移尊趁晚涼酒含山影暗歌雜鳥聲狂
靜覺塵俱斷游憐樂未央不堪歸馬疾幽意水雲長

題洪山逸圃水竹清軒二圖為何年伯二首

一逕洪山僻千秋鄭圃人蒔蘭當碧雨種竹逗青春
世味懸車盡閒情抱甕頻恠來森玉樹吾欲頌靈椿
何處覓蓬壺開軒此畫圖水波連浩渺竹影落江湖
遠渚含窓靜清風入籟孤浮漚看自適塵累著清足

贈楊貞復還東粵

遽有羅浮興君恩與洞天青春金馬客白日鐵橋仙
錦帙然松夜斑衣饌鯉年論心朋舊遠分手淚潺湲
遊摩訶法箴二菴眺慈壽寺閣還飲成趣亭呈
密齋楚門益齋三年丈兼示靜堂無絃二僧四
首

郭外喜招尋幽林梵刹深壁藤侵蘚合庭竹帶松陰
知見香初靜跏趺念已沉惠休詩句好寂歷海潮音
靜得摩訶憇相携法箴過布金俱佛界入社共伽陀

冉冉慈雲墮依依慧日和聽琴欣自省清興足煙蘿
勝地偏相引前林更寶坊閣窓凌漢杳塔影入湖光
蒼翠籠西岫微茫盡大荒向來塵想豁從此棹慈航
散步蕩幽襟仍依碧玉岑名花眼方醉曲水酒須斟
兄弟天涯會金蘭歲晚心浩歌明月上渾欲亂棲禽

贈館文李順衡按關中二首

秘館三年共詞家有雋才毫端珠彩爛劍外斗光回
執法需經術巡方重柏臺卜鄰吾不意悽切別離杯
攬轡屬詞人關門紫氣新霜威下北極秋意早西秦
繡斧三峰色青驄萬里塵舊群欣御李八奏佇為鄰

送冲宇視鹺淮上二首

丹闕趨陪地青雲染翰年語從天上密席每閣中連
七子才爭羨三臺望已縣去旌江海濶別思向君偏
白簡君王側東南按部來豈能忘國計終好念民哀
已失魚鹽利真悲澤洞災頻將調鼎意為展濟川才

贈鄺丈守通州五首

冰雪悽離緒親交作宦遊剖符今郡將臨海是邊州
城郭狼山簇樓臺蜃氣浮濤聲驚鐵騎彷彿島中秋
朱鳳鳴南嶽天邊見羽毛一麾辭碣石五馬駐江皋
鹵瀉知生計魚鹽有竄逃古人輝信史遺愛說清操

為有陽春曲曾高郢里名文章關吏道黎庶倚賢聲
建旆凌淮入褰帷傍海行六條宣帝澤長日訟庭清
我邑推前輩君家舊德存祖風應不泯宦業好重論
惠到閭閻徧人依牧守尊璽書來帝闕不淺聖人恩
携劍看光怪天文牛斗間登臨容有興卧理不無閒
望海行春出尋山問俗還定知題字滿蚤晚達燕關
送太常徐簿赴南曹是存翁相公姪

漢帝東封日鳴珂羨曲臺時名歸俎豆世業足鹽梅
上客陪京命南樓夜月杯家山一水隔清夢得頻回

送高吉軒令閩中

暖日都門好君行拍幔亭少年宜墨綬清論在彤庭
貧自聲名遠才於世務經政成者召入重得坐春星

濟上逢曾白村大理賜告還題贈二首

廿載同遊地相逢各黯然酒杯三月暮詩句百花天
病骨青雲薄愁心白髮偏文園還健飯遲汝玉堦前
抱病貧猶得青山不繫身蒲團消日月花鳥悅心神
靜試還丹理閒知出世因他時看起色應好混風塵

宜春臺

一郡看山地中天積翠開烟雲浮遠近城郭俯周迴
素鏡懸清夜丹梯接上台已憐秋思好春賞會重來

戴使君夕宴賦謝

君侯開綺宴形勝撫瓊臺卜夜清風座宜春綠蟻杯
語方傾蓋合名義賜金迴不柰城闈別匆匆曉騎催
岷殿下宴樂善書院四首

最樂堂

宴敞頻移席西園一逕深重巒開遠色修竹落輕陰
散帙餘芳潤玄言異俗心始知輸最樂慷慨動微吟

清心軒

檻外松杉碧芳樽竟日留不緣持使節何自共丹丘
日夕天逾靜蟬鳴境轉幽相看清淨意無語楚山秋

洞天深處

碧洞危巒上參差竹樹開巧當山好處時與客同來
十日平原酒千秋帝子臺未論周海岳茲賞信蓬萊

潯潢閣

竹逕通華閣方池閣上看秋宵明月墮日曉遠山攢
驟雨紋初亂微風影自寬只應天派迥亦對石泉寒
冬日同洞岳臺山鴈雲思漁過夏楚湘山居有

作四首

精藍南嶽上游興不曾微見說幽居勝能牽野思飛
黃沙溪詰屈白谷樹依稀冒雨行來僻相將叩板扉

碧雨度汀沙青山自一家登樓憐傍嶽倚檻笑看花
妙曲臨芳砌仙杯落彩霞果知塵外賞真作武陵誇
白髮能憐客園林作隊遊咎歌群鳥哢鳴雨四山幽
種秫元供醉名花不易秋大還功正就應似訪丹丘
仙尉棲盤谷溪山稱隱居紅梅寒雨艷翠蓀午風踈
車馬停幽絕烟雲擁醉餘泥人歸路險猶自憶精廬

貞烈吟二首有小序

某獲從觀察管公所讀督撫陳公所示狀誌
蓋陳氏有佳公子林之貞烈乃其精靈冥授
幽契者故公並著之烏嗟乎士大夫談說詩

書知問學然或渝志當年改行末路而以未
嫁閨淑誓殉夫死斷髮終暮從容赴義不足
以愧士人邪今公徧徵篇什宣眎楚邦既料
風教於荒遐亦勸節槩於有位厥義之大爰
述短章

靈秀鍾閩海綱常繫死生在生看斷髮一死是完名
月夜蒐常合星河恨未平栢舟千古詠還此繼孤清
烈女捐生日貞心未醮初自應關化理總不藉詩書
大節垂當世高風滿太虛楚隊傳勝事從此及閩閩
夜至岳州江防唐公招余岳陽樓上將曙太守

梅公亦見酌得二首

層樓跨湖上湖景盡樓中四海想如此萬流都會同
只許君山在應疑大地空何人吹鐵笛來往御長風
夜半華筵啓高情詎易酬醉吞雲夢盡吟倚洞庭幽
月色清相映湖波澹不流鷄鳴還有約重得暫淹留

讌黃鶴樓覽壁間有先輩諸公詩賦得二首

重湖下積水江漢此滔滔大國雄風在前朝霸氣高
岸濶低晴樹洲橫咽暮濤登樓生感慨吾意欲丹霄
仙人一以去黃鶴九霄遊嶺收平楚望樓壓大江流
雅讌清朝會名公勝迹留不能鸚鵡賦慙此繼前脩

送林司訓之茶陵

忽與故鄉遠交親笑語踈客來九重關窮有八篇書
絳幄擅堪冷雲陽畫不如去家兼咫尺常得寄雙魚

送胡司訓之攸縣

別思都亭外驪駒歌正悽故園為客少岐路去塵迷
官舍移家近山峰入座齊門墻春定滿桃李各成蹊

送蘇司訓之瀏陽

文藻憐青鬢風塵滯素衣斗間餘劍氣天外合雄飛
新命傳經往殊方送客歸到知紛薦達遲汝入皇闈
似鶴館丈人賀自蜀同余教二丈過訪禪寺二

首

獻鏡初停旆焚香靜入禪齋心思頌聖騎馬過談天
相見離人面應如並轡年亦知方岳貴莫不憶青羶
酒杯還舊日一笑易斜陽只聽猿啼峽從知客斷腸
夢回行雨處詩就浣花堂今入逢秋夕頻過逗素光

贈藍山孟君辰州倉曹

沅湘任舟楫大酉武陵西仙源堪薄宦客路盡荒谿
儲粟防邊徼清時靜鼓鼙丹砂勾漏似應好覓刀圭

詠蒲萄限韻二首

西域漢槎臨携將種禁林品方天馬入釀比露盤

更欲滄秋實偏宜結夏陰偶來成小憇頻少暑威侵
託根帝苑好離宮曾遍栽芳蕤修蔓繞蜿蜒密雲來
日映玄珠綴風寒翠幌開延年仙釀美持以獻瓊杯

雙林寺

繫馬今雙樹香臺正曉鍾叩關尋碧洞到塔撫蒼松
枰石閒心劇欄花野思濃鷺峰舒望眼天際翠微重

山中登望

都城當北斗形勝壓鴻龐疊嶂紆千里雄圖控萬邦
祥光瞻殿闕王氣藹幡幢盛代閒金馬應宜倒玉缸

山寺曉望

一枕空山夕凌晨景更奇披衣殘月墮倚檻曙光熹
薄靄平千壑清烟暮四岳試向同袍語頻看夜氣滋
寺中晚蟬

恠爾叫清夜凄然睡思微平生食白露欲去蛻玄衣
月下商聲變空中梵樂歸定知含佛性寶地共皈依

翠巖樹間酌

茂樹高原上携尊日未晡中峰此亦美伏暑已全無
藉草坐相促催花勸不逋更聽歌聲亮還思駐赤烏

弘教寺臺上晚酌

龍藏看初罷峰頭客倦躋白衣一何好清酌晚猶携

未醉天難暝惟仙飲不迷苔痕他日在應憶古臺棲

曹園飲樓上

夢清幽榻卧行惜舊棲乖引興層樓望留歡又我儕
窓光連漢渚樹色迥天涯為憶飛鴻外閒雲閉草齋
移酌野亭

一亭殊野意堦砌任莓苔曲逕攀緣上陰厓造次來
鳥聲隨處聽雲氣入衣迴不盡青山興悠然付酒杯

鮑寺作

勝地峰前寺閒遊畫裏身彩浮金界日香滿石樓塵
自以舟藏壑誰從佛問津向來空萬法不廢一壺春

華巖洞

隴北金山口華巖望裏分涼生石洞榻清裊玉泉雲
勝蹟關幽事真空證晚聞坐來慙冕綬無計出塵氛
望湖亭

山前湖水碧山下即靈源城闕雲霞映魚龍窟宅尊
蘋風送鴈鶩樹靄帶林園萬乘曾遊地菰蒲御氣屯
功德寺

湖上招提境荒臺駐馬看金繩祇樹引貝葉妙香團
鐘磬空林杳烟霞古殿寒行宮瞻氣象珠歲想鳴鑿
龍潭堤上

玩蓮龍女宅堤上亦龍灣潭心看客性湖面寫天顏
甯豈妬花好遊應藉酒還亭午坐高柳清風吹袂閒
板橋酌遂與諸丈別

溪水碧湖前溪橋綠樹邊清歌大堤曲別酒夕陽天
坐並長虹影歸聯晚騎韉直到城闈望西峰暝夕烟
贈沈几軒使東藩二首

玉節雲霄下光輝滿使車佩珂臨祖道飛蓋度儲胥
海岱開青社鄒枚曳彩裾東方千騎擁誰不羨銀魚
為作乘槎客驪歌咽舊群殿中鴛鷺少池上鳳凰分
岱岳低天漢吳川入海雲定知遊覽處詩思獨紛紛

贈郡丞郭梧陽還任建昌三首

王氣滿層臺千秋郭隗來賢名高佐郡詩興動官梅
優詔明廷下前旌舊路開到知喧竹馬爭御紫駟迴
共酌榴花下交情故宛然幾年書咫尺半夜語留連
宦業憐江海君恩羨後先最書仍薦達期汝聖人前
郡守舊知名同君卧理清一破眼前俗都遺身外情
悟應無垢淨閒自任逢迎不獨能官事終毋負此生
時郡守許敬菴公

贈承所之黃安二首

舊有連城價今知抱璞心溥遊聊偃蹇羈旅欲蕭森

舟楫黃安近官墻紫氣沉一擅堪自惜霄漢待知音
聞道黃安縣山中百雉雄執經多藻士倡學况名公
萬象含無盡群言入悟空勝遊憐此日行矣對春風
初秋余馮二丈約同遊韋莊余以遊中峰有初
約不赴琢菴示詩為愴舊遊和答來韻四首
春遊憶疇昔韋曲正花繁已有飄零恨初收涕淚痕
余往與高何二館丈雅招還水閣結社到松門惆悵
為春遊何丈即世矣
中峰去溪應長舊蓀

東園堪共醉西上劇追歡有約分携失同人合并難
靜俱清宦味閒自拭塵冠轉慕禪棲者空山歷歲寒

村寺連花園苔文一逕斑入門溪宛轉傍榻烏間關
饌鯉尊前網披襟水上山醉吟如昨日相與夕陽還
馬跡蒼苔沒風塵白日遷舊題留歲月高咏落雲烟
疑宿中峰寺同聽半夜蟬新秋詩思好把玩總相憐

贈別張益源

十月燕山雪經年季子裘鄉心撩短夢行色暗荒丘
抱玉仍荆楚看鈎在斗牛青門聊此別早晚侍珠旒
送范鴻臚侍御罷官歸瑞陽和雲衢太史韻二

首

黯淡風塵色都亭去住情孤臣肝膽盡一疏日星明

夜雨憐才淚春江逐客程聖恩終不淺間得學無生
郊外看驄馬蕭條遠國門忠臣不重死薄譴是深恩
野興江村屐農談里社樽九重還召汝終欲納危言

紫園草卷二終

